

OMUKWETU

Registered at the General Post Office as a Newspaper



EYETHIHO KOMAGONGALO GA ELOK

Melandulathano lyoongalo dhOngeleki muumvo 1974, omwa tulwa lwotango ongaló yuudiakoni wopondje tayi umbwa mesiku lyakrismesa. Ongalo ndjika shó inayi umbwa nále mOngeleki yetu, otwa hala okufatulula mpaka nkene tayi ka longithwa.

Ongaleki yetu noshigwana shetu otwa kala hátu mono omakwatho taga zi koo- ngeleki dhokombanda yomafutá omolwiiilonga yOngeleki nengé omolwomatungo gontumba ngaashi Enongelo lyaayakuliigongalo, mEnigela, Osikola yuutekuligumbo nOshinyanyangidho oshipe shoka shi li ngashingeyi pokupwa. Oongeleki dhi ili nodhi ili odhe tu kwatha miinima oyindji.

Ngashingeyi tse mboka twa taamba ethimbo ele ekwatho lya tya ngaaka, otwa gwana wo okukwatha mpoka pu na oluhepo lu vule nduka lwetu. Ombimbali otayi ti: "One omwa pewa omagano, gandjeni wo omagano." Otwa dhimbulula kutya manyini omi na Oongeleki odhindji dha hepa. Omu na iigwana oyindji ya hepa ya tu tse. Tse conelago miinima oyindji. Otse ayamba tu vule iigwana oyindji.

Ongalo ndjoka tayi umbwa mesiku lyakrismesa, otayi ka tumwa ano kOngeleki yontumba omolwoshilonga shongandi. Inatu tokola naanaa natango kutya ekwatho lyetu otali ukithwa peni, ihe efaneko limwe ando otu kwathe moshilongó shimwe popepi nombuga yaSahara.

Ngika omwe shi uvu nokuli kutya hwiya kuuninginino wa Afrika, omvula inayi loka nandó uule womimvo heyali dha landulathana. Oku na enota enene nondjala. Omapya oga ningi ombuga yowala, iimuna oya sa, aantu oyendji oya si noyendji oya kanitha omagumbo gawo.

Pamwe otatu vulu okukwatha aantu mbaka nOongeleki ndhoka tadhi longo mokati kawo. (Mefano kombanda oto mono oshitopolwa shoka sha kambaakana Afrika pokati, omo moka oluhepo lwa गया.)

Mokugandja kwoye ongaló yakrismesa muumvo, dhiladhila ano tango nawa. Dhiladhila tango shono Kalunga e shi ku ningile, ngoyé u dhiladhile wo shono to vulu okuningila aamwanyoko. Ano omagano goye to ke ga gandja nOkrismesa yomuumvo, otaga ka longa oshilonga oshinene mokuhupitha omwenyo dhoyendji. Mokugandja kwetu, natu dhimbulukweni kutya: "Okugandja oku na elago komeho gokutaamba."

(Ombelewangeleki, Onipa)

Etumwalaka lyaPaulus komagongalo

Mokupopya ayakulo lyaayapuki, kandi na ompumbwe yoku shi mu shangala, oshoka ehálo lyeni lyokugandja ondi li shi. Ndhindhilikeni ihe shika:

Ngoka ta kumu nuuluya, ota teya wo nuuluya. Naangoka ta kumu neyambeko, ota teya wo neyambeko.

Kehe ngoka na gandje ngaashi omwenyo gwe tagu mu lombwele. Hanomangungutulo nenge kethiminiko, aawe. Kalunga okuhole ngoka ta gandja neyanyu. Ihe Kalunga ota vulu oku

mu indjipalithila esilohenda kehe, omo mu kala mu na miinima ayihe, aluhe naashihe shoka mwe shi pumbwa. Mu ninge aayamba yiilonga ayihe iiwanawa.

One sho mwa yambekwa mwaayihe, omuwa-pe okugandjela koshilonga kehe oshiwana nawa okuninga chamebelelo lyaKalunga.

Eyakulo ndika itali kutha ashike aayapuki oluhepo, ihe otali indjipalitha nokuli sho tali etithile Kalunga omahamebelelo ogendji.

(EKor. 8:1-12)

J O H N N E S O M U S H A S H I T A

H E P A U L U L A K R I S T U S

Ovapisteli nOvalebite muJerusalem ove uya kuJohannes Omushashi nde tave mu pula: ngeenge oye Kristus. Johannes okwa hepaulula ta ti: Haame Kristus. Ndele vo ove mu pula: Oove Helia? Ye okwa tya: Haame. Ove Omuprofeti winya? Ye okwa tya: Ahowe. Joh. 1:19-27

=====

Oinima itatu oya fininika Ongeleki yopefimbo laJohannes, i mu pula okanaku.

a) Odjuulufi yavo yokumanguluka moupika wEvangelo lOvaroma, oye va pendilila okatalekonawa koilonga tai ningwa kuJohannes. Pamwe oye ou twa tee-
lela, Omumangululi, Mesias. Na ka pulwe.

Johannes ou a yelekwa nOmunaenghono adishe, ye ina tambula etumbaleko li fike opo. Emakelo li fike apa la fikamena vahapu moilonga yavo ngaashi yo la fikamena Johannes, oku litula ponhele ya mwene woilonga, ye inali mu twaale-
la nande. Okwa hepaulula moipafi: Haame ndi fike opo, ndi-mumangululi, Mesias.

b) Moilonga yaye omwa konekwa yo edimba lomaxunganeke aHelia. Fimbo Kristus ina holoka, Omuprofeti waKalunga Helia okwa li e na okuuya tetē. Osho sha kala meitavelo lOvajuda. Oshilonga shaHelia osho okulongekidila mo-
vanhu okutambula Mesias. Mal. 4:5 Helia omutelelwa mokati kOvajuda, omu-
dongokononi waasishe; omihoko, omapata nomaliko nokuli. Emona ngeenge ola
tamananewa kuvavali, ohaku tiwa nali teelele Helia. Oye yo omuvaeki wa
Mesias nge ta holoka.

Enyamukulo laJohannes kepulo eli, movelise 27, otali shingile omadiladilo etu
keenghundafana davo naJesus momulonga waJordan Mat. 3:13-14.

c) Ove hano omuprofeti winya? Ov. 21. Pokati kovaxunganeke Jesaja
na Jeremia, unene ou waxuuninwa, pwa kala pwa teeelwa umwe a nyumuke koufi
peuyo laMesias. Osha kifwa muprofeti wa Moses eshi a lombwelele oshiwana:
"Mokati keni nokavakweni, Omwadi Kalunga koye ote ku pendulile mo Omuprofeti
ngashi ame, mu udeni." 5 Mos. 18:15

Eshi yo Johannes ine shi tala she mu fewa, ahowe. Okwe livalulila mongudu
yaava vongaho, yovapiya. Ye oku li ashike ondaka yokulongifwa Jēs. 40:3
Ngeenge ku na Ongeleki ile omunashilonga umwe ehee shii onhele yaye mokati ko-
vanhu, na pwilikine kenyamukulo laJohannes: Ame ondaka yongaho. Hes. 3:17

Sha shimwe natango osha li sha kumwifa Ovafalishei. Ove lipula noufemba wa-
Johannes wokushasha, ngeenge haye Mesias, Helia ile Omuprofeti winya. Kave u-
dike ko eshasho mokati kOvajuda nokuli. Mwinya eshasho ola ningilwa ovalidi-
lululi ava tava tambulwa meongalo lOvajuda.

Ovajuda inava shiiva omuteetekeli wa Mesias. Inava shiiva Mesias ye mwene.
Inava shiiva osho sha ningwa meumbo lovakulupe Sakaria na Elizabet, vo inava
shiiva yo eshi sha ningwa moshiunda shaBetlehem. Eshi inava koneka oiningwa-
nima ei, ile ve i dina, hano otava nyengwa yo okumona oshikalimo shoilonga ya-
Johannes.

Johannes okwe va nyamukula noshikalimo shoilonga yaye: Ohandi mu shasha a-
shike nomeva mu longekidilwe eshasho lomundilo, Omhepo Iyapuki, kwaau e dule
nge. Luk. 3:16. Moitya ei omo mwa kwatelelwa enyamukulo komapulo avo aeshe
va pula kuye. Omo yo mu na ewanifo lefimbo le va udanekelwa kuSakaria:
Mefiku tuu olo, ofifiya otai ka fulukila meumbo laDavid, noonakukalamo muJeru-
salem okukosha po oulunde nonyata aishe. Sak. 13:1

(Sebulon Ekandjo)

O I L O N G A Y O V A K E L E F I T I

M U R H D E S I A

MuRhodesia, ovanhu vahapu 700 ile nokuli 2,000, ova fiwa po shinya kave na efiloshisho, omolwoupolotika womoshilongo. Vahapu eshi va idililwa meedolongo, Ehangano lefiloshisho lovakelefiti, ola hovele okuhumbata omaumbo avo.

Ehangano otali futu outeku wounona meefikola, ouhaku wovafiwapo moiha-kulilo jokuyandja oimaliwa ohani keshe omolweemhumbwe defiku keshe. Hamaumbo ashike avo taa kwafwa, nde ovanadolongo yo voovene navo ohava filwax oshisho.

Efiloshisho leenghwate eshi la djuupalekwa mongeleki koveta yehangano loulinawa muRhodesia 1966 (Rhodesian Welfare act of 1966), ovakelefiti moshilongo va dja mEengeleki di lili nadi lili, ove lipaka kumwe nde tava twikile oshilonga osho. Okuyandja ekwafo keenghwate nokomaumbo ado osho unene tave shi lalakanene, nande oimaliwa hava palula yo nayo ova-findjala momikunda nokupendula po oilonga imwe moshiwana.

Eenghwate di etifa onghenda kuvo odo unene odo da kwatwa, po pehee na nambu kutya omolwashike. Vahapu ava ihava pangulwa roveta. Eenghwate dihapu ode likongela nokuli oileshwa yado opo ve lidimbwife komadilongo mahapu. Ava va ninga mo eedula lo ove limomena nale nokuli odjapo yofoloma III. Ehangano lovakriste olo tali futile oileshwa yavo.

Omhumbwe imwe ya kula mokati kavo, oikutu. Epangelo shito inali va djaleka nande. Ovakriste ohava ongele nee oikutu moshilongo nde tave va havaleke. Paife Epangelo yo ola hovela okudjaleka ovo va kala mo efi-mbo lile.

Luhapu eedolongo davo kediwa, nosha etela vahapu omaudu e lili noku lili. Ohava kuu ashike kongudu yovakriste oku va monena ouhaku wa tya shoo. Ouhaku wEpangelo ou li ashike mokanya, hamoilonga. Pahokololo lomudo 1972 eli la dja kombelewa yokweendifa omakwafo, odolongo yaGwelo oi na unene oupyakadi komesho ovakalimo. Oimaliwa \$ 300, oya longifwa momudo umwe oku va landela omakende okomesho. Odolongo yaGonadzingwa oi na oudu womayoo.

Eeranda domayovo mahapu nande tadi longifwa ngaha mokati kovanadolongo ohani keshe, komaumbo avo chaku longifwa R 3,560 mohani. Oimaliwa R18,784 oya longifwa 1973 kovaneumbo 567 vovanadolongo omolwouteku wofikola. Omuvalu ou owa indjipala eshi elenga Rekayi Tangwena la anya okutembulwa kEpangelo, osheshi vati omukunda waye ou li monhele yOvatilyane. Omaumbo aa eshi a pululwa po kembakumbaku, ovanhu ova tembukila ashike meendudu.

Efiloshisho likwao tali ningwa mwinya kovakriste, okufutila ovakulukadi oku ka talela po oovene keedolongo nokuyandja oilonga keenghwate edi da mangululwa ihadi pewa vali oilonga mEpangelo. Omuvalu R 7,168 ohau longifwa kovakulukadi vavo omudo keshe.

Pomafimbo amwe eenghwate haadishe hadi hangika komakwafo aa, ngashi ovo vekwato lopaveta yomafiku 30. Ovanadolongo vamwe ihava shiivika peenhele apa va idililwa.

Elipulo linene olo eli kutya oimaliwa i fike opo ohai monika ngahelipi? Ovakriste oomwe na umwe ohava yandje ngaha. Ohava kwafelwa yo komahangano amwe mounyuni nomoshilongo. Peemhito dimwe oimaliwa ohai yandjwa pashilonga sha shiivika, ngashi ofikola yaTangwena hai futilwa kookaume muNdowishi-landa.

Nande ovakriste ava tava fekelelwa yo moshilonga shavo eyambidido loukulo, ihave shi yavala.

MU ZAMBIA OMUMBISOFI INA PITA MO NONGOLA

Momudhingoloko gwa nika natango ukwiilongo nonkoko, muZambia, uuho wongundu yo 300, owa li tau konita tau tongolola moshipala shomumbisofi dr. Leonard Auala, ngiika nonkunwe omolwashike a holoka mokati kawo. Ashike ominwe dha ulikwa mombanda kuyo, endhindhilikó lyékundo lyá SWAPO, osha li sha hololá puuyelele, kutya oyo Aanamibia nevi lyiundjendi ya kola natango medhiladhilo lyawo ndyoka iye ya tumbu moshilongo.

Ongomuvali lela nomuhungimwenyo gwaayehe, tatekulu omumbisofi okwa pepaleke mbala omadhiladhilo gawo nomaipulo gawo nekundo ndika:

Ondi shi shi, ne amuhe omwi iyaka ndje, ihe inandi holoka mpaka nongola ndi mu dhenge, aamwandje. Ondé ya tu hambeleleni Kalunga sho e mu enditha nawa. Ondi li mpaka medhina lyaavali ayehe koshilongo mboka taye mu kundana kutya omwi ipumu kiithindi nomwa nkwanunwa nayi komankono mondjila yeni, noshe ya etela oluhodhi.

Pehulilo lyaKotoba nuumvo manga omumbisofi kwa li ta yi kiigongi yOongeleki kuEuropa, okwa monene ompito yokupitila muZambia, okutalá oluvalo lwomathele ogendji nkene lwa thiki, ndoka lwa zi moshilongo ompempeya okupitila muAngola nolwa ka tula muZambia.

MOngeleki yaakondjelimangulukó, etala enene lyomwiidhi, elongelokalunga omumbisofi okwe li ningi mokati kawo pamwe nomusitagongalo gwaakondjelima-ngulukó, Salatiel Ailonga. Moka omumbisofi aagundjuka okwe ya kumagidha natango okulalakanena ombili mekondjo iyawo.

"Omikondjelimangulukó gwoshili oye ngoka awike ita dhimbwa ehalo lyaKalunga. Ne wo omwe shi hololá sho inama dhimbwa okuhumbata Oombimbeli dheni muudhigu womalweendo ge thike mpo, nondi uvite uuntsa molwasho.

Omumbisofi okwa tsikile kuvitho lye: "Kristus oku li mune, naangoka a kala mune oye okusinde uyuni. Onke ngele tami kala wo muye, esindano nokune oko li li."

Osho omumbisofi a holola nomuZambia ondjila yokufala mesindano, kegongalo lyomiihwa, nkené yi li ashike mevangelii lyombili. Mokati kongundu omwa li wo aagundjuka oyendji mboka ya hokololwa ya sa ko, ya lilwa mpaka noya hupulwa Omusamane Sam Nujoma, omupresidende gwa SWAPO, naye wo omo a li melongelokalunga ndyoka.

Aantu ye vule 3,000 oya hokololwa ya thika nale muZambia okuza Mai nuumvo sho ya tameke okutauka mo moshilongo. Epangelo lyaZambia, aakriste moshilongo niilyo ya SWAPO mbyoka ya kala shifo hwiya, oyo taa tala nkene aantu ye thike mpoka taa monenwa ikulya, omizalo, omuti dhokupanga noondunda dhokulala mo. Epangelo lyaAngola otali ya pe ikulya mondjila noku ya enditha nawa ya thike muZambia.

Mokati kawo sho mu na aayakuli yomaitano gi ili nogi ili, oyo yene taa longathana, oyo yene taa pangathana nosho tuu. Elongo lyopevi oyo unene lya tamekwa mokati kawo kumboka ye shi pumbwa. Otaa longo wo yo yene omapyá gawo niilonga yilwe yesiku kche, okukandula po omukalo gwokupaluthwa pakadhilona. Pahokololo lyomumbisofi okukelamwenyo kwa tya ngéyi, oye ku iyambela muuntsa, shi vulithe okukala muSuidwes inaali manguluka.

Epulo inaali monenwa natango eyamukuló lya yela mokati kawo, oyo ndyoka mpoka taa monenwa omaha goosikola nomaludhi goosikola ndhoka ye na okuvaamba. Shoka oshi li natango oshikundathana oshinene pokati kaawiliki ya SWAPO nOmangelo nomahangano gomuyuni. Opwa hokololwa wo kutya omusamane Nujoma

Dha za kep. 5

oku li ngashingeyi kuEuropa lyokumbangalantu, omolweilongo lyaantu ye. Omumbisofi manga ina tsikila ondjila ye kombanda yomafuta, muZambia okwa kunda-thana naakwanepangelo yaamoka omolwoshilonga oshiwana sheyakulo lyoluvulo lwaNamibia.

MuEuropa okwa pungulula omeho gOongeleki ga taalele wo kompumbwe yomakwatho gopalutu, gopambepo nogopalongo mokati kiilyo yOongeleki dhaNamibia ya halakana muZambia nkene tayi kandulwa po. Epangelo lyaZambia ndyoka lya humbata okuza nale oshimpwiyu shika, omumbisofi okwa tala kutya oli shi okuyambidhidhwa meyakulo lyalyo, unene tuu omwaalu gwaafadhukipo sho tagu indjipala aluhe.

Omusamane Auala gwomimvo 66 ngoka e na eitaalo lya kola nome talelelopo ndika, kutya ine enda amazindampadhi gowala mokukongela oyana yomehalakano omuzile, okwa galukile kegumbo petameko lyomwedhi ngoka, Desemba, a yakule mo kuku Aina okuligola oshituthihango shomushakatimati gwawo Joseph.

Iilongo, Switzerland, Sweden na Soomi oyo unene ya talelwapo kuye.

+++++

Oshilonga shevangeli muKongo

MuKongo neudo omwa ongala oshoongalele kovanashilongatumo ve fike lwo 50, va dja meenhele Onamatadiva, Oshanashiwa, Ekoka nomuKongo moovene,

Oshoongalele eshi osha ningwa omudo keshe nohashi kala mewiliko lomuyakuli wovanashilonga mOongeleki, omushamane Toivo Pentikainen nomupashukilishitaingeleki Filippus Shikomba.

Moshoongalele omu, ohamu kundafanwa unene eendjovo daKalunga noinima ikwao i na sha noshilonga shetumo. Mee-nghundafana nomokutala osha holoka nawa kutya Ovakwanghala paife ove udi-te ko eendjovo daKalunga.

Nande pe na ngaa ava va shuna momufitu, ehalo ola penduka muvo okuninga oilyo yoshiwana.

Osho omweevangeliste tate J.Haixuxwa a tumbula moshipopwa "Outeku wOvaye-lele."

Ovaye-lele twa kala navo moshoongalele ove uditeko oluhepo lavakwao, ava ve li natango moixwa. Ovanashilongatumo ava tava longo mokati kavo ponhele yetu, otava indile omailikaneno kufye. Omapuniko omo e li yo mahapu mepyatumo eli.

Oshoongalele shovanashilongatumo osha shikulwa kishoongalele shovafilishisho vevakriste momikunda. Omhumbwe yoshongalele eshi, otwe i konekele pefimbo

twa endele moushilo. Ovakriste vomomikunda di li kokule nEengeleki, ove li moluhepo la kula. Ava have va kwafa moukriste vomokati kavo, ovo twa ningila oshoongalele sha tya ngaha.

Oinakuwanifwa meyakulo lavo ngaashi; efiloshisho lopamhepo movakwaneongalo, elongelokalunga lihee na omufita; eilikano, ewiliko mongudumbibeli, ewandaxa momaumbo, Ovavalelo Uvayuki, ongalo yelongelokalunga noshilonga shayo neyakulo melihapaululo lomatiimba, oyo unene ya kundafanwa moshoongalele shavo.

Moshoongalele eshi shoilyo 35, omwa kala yo eenghundafana omolwovanyasha momikunda nosho yo oyeetwa po ikwao.

Epuniko okwa li lihapu mokati ketu, navahapu ova holola olupandu lavo omolweyelifilo mwaaisho ei. Paxulilo loshoongalele okwa yandjwa eendombwedi (eedjapo) okuholola kutya osho tave shi longo mokati kavakwao, ove shi lineekelelwa kOongeleki.

Eshi osha ningilwa ovayakuli vomeengaba domaongalo aa, Omundaungilo, na-Kongo. Vamwe ove li kokule nOongeleki ogle weemala 70. Oshoongalele shomafiku atatu osha shuna koilonga yasho neenghono dipe.

OVANHU VOLUDI ELI, OVE SHI YO OKUDI-MBULUKIWA MOMAILIKANENO.

(Filippus Shikomba)

NATANGO AASITAGONGALO TUU

MEPANGELO?

Aasitagongalo yatatu mOngeleki ya ELOK, nomuyevangeliste gumwe, oye li mongundu yaahogololwa lll tayi kondjele koshipundi shevigumbō mehogololo tali ya muJamuali 1975. Mongundu ndjoka iilyo 42 ayike tayi ka kuthwa mo.

Aayakulingeleki Johannes Ekandjo, Eheke, Johannes Nantinda, Okatope, Hofni Nakamhela, Eunda nomuyevangeliste Teofilus Kalimba, mOnangalo, o-madhina gawo oga uvika moradio Owambo ongaahogololithi noga holokele wo moshifo s Epangelo lyOwambo, (Gazette 8/11/74).

Aasitagongalo Herman Shongolo, Ontananga, Johannes Kalenga, Etilyasa oye li nale aaulikwa komalelo giilongo yaandjawa mboka ayehe kumwe taa kala ye thiko 35. Mongundu ndjika omo wo mu na aasitagongalo Cornelius Ndjoba na Titus Heita mboka ya longo shito mEpangelo ndyoka ongooministeli. Iilyo ayihe mEpangelo epe lyOwambo, otayi ka kala 77, Shito oya kala 56 ayike.

Aalumentu oyendji naakiintu yanē, oyi itula mehōgolōlo ndyoka tali ya o-kukoleka coveta dhokatongotongo. Tigōngi yi ili noyi ili oya tamekwa nale kuyo koombinga noombinga dhOwambo okuyelitha elaLakano lyomadhiladhilo gawo. Oyendji yomuyo nonando taa uvanekele aantu oku ya gwanithila iilonga yimwe tayi tsu ondumbo nooveta dhokatongotongō, oyo ayehe kaye shi nando iilyo yongundu yilwe yopolotika yi ithikamena. Osho wo kaye na nando ekotampa-ngo lya tungwa hoka taa ka gwanithila ko ando omauvaneke gawo, aawe. Oyo ayehe iilyo naanaa yEpangelo lyOwambo, taa ka longo pamusindapangelo gwalyo.

Mokati kaahogololwa omu na Tobias Hamuanga (Kakolonya) ngoka a ti kutya ye oku li mehōgolōlo ndyoka medhina lya SWAPO. Shika inashi ziminwa nando kiilyo ya SWAPO. Pahokololo lyoshilyo shimwe mewiliko lya SWAPO, SWAPO oku na omadhiladhilo ngashingezi okuyelitha mbala etumpakano ndyoka lya kunwa maantu kuKakolonya. Kutya otaye shi ningi pamukalom guni, inashi tseyika manga.

Ongeleki ya ELOK inayi popila nando lumwe omavigumbo nooveta dhokatōngō-tongo. Shika oye shi yelitha poompito odhindji koshipala shaawiliki yE-pangelo lya S.A., omuputudhi gwomavigumbo. Aasitagongalo ya ELOK, oya longo mongundu ontotiveta omimvo odhindji, pamwe niilonga yawo momagongalo. Omukalo nguka ogwa tamanekwa aluhē momagongalo nomo-shigongingeleki shomumvo 1973 shono sha li mOngwediva.

Rhodesia tali ikundwa

Elaka lya za muRhodesia okuhulitha po oonkundathana dhemanguluko lyaamoka, olya taambwa noluhodhi muuyuni, noma- ipulo oga penduka kushono tashi ka la- ndula ko.

Aaleli yiilongo; Tanzania, Botswana naZambia, kumwe nomusamane Ian Smith, omuleli gwokoloni yaBritania muRho- desia, oya kundathana omasiku ngaka muLusaka shaZambia. Awiliki yoo- ngundu tadhi kondjo koongamba nodha kondwa mo moshilongō (ZANU na

ZAPU, oya kuthwa mondholongo ya ka kale wo poonkundathana. Omumbisofi Muzorēwa nEpangelo lya S.A. nayo opo ya li. Oombudhi okwa tiwa odha zi sho Rhodesia ta thiminikwa a gandje mbala epangelo kaaluudhe.

Nando oonkundathana dha tokoka pokati ope na etegameno dhi tsikile, Rhodesia mwenē ina holola manga nkee ta ka tsika kila. Zambia na S.A. otaku ti oyō ye li koluli lwoonkundathana ndhika.

OMAHALA GIILONGA MOSHINYA -

nyangidho

Sho pe: na ngashingeyi etegameno iilonga yOshinyanyangidho nsha ELOK,
yi ka egululwe mbala 1975, opwa dhimbululwa ompumbwe yaantu taa landula:

a) Omulumentu e na omuthika gweilongo lya adha Omatlika, e shi nawa
Oshiwambo (Oshindonga nOshikwanyama), ye ha vulu wo okupopya nokushanga
Oshiingilisa nOshimbulu, ota pumbiwa ho. Omulongi wo ngoka a adha Ju-
niolo ota vulu okukonga po ehala ndika,

b) Omukiintu nenge omulumentu a pyokoka mokutonatopa, ota pumbiwa.
Nguka na kale wo e shi elaka iyOshiwambo noha gumu ko wo kungoka gaakwiilo-
ngo. Onawa wo ngele omuntu a tya ngaaka oku na owino yasha medhigininoma-
mbo.

Ngoka ta kongo iilonga mulimwe lyomahala ga tumbulwa metetekelo, mokutuma
eindilo lye, na tule mo wo onzapo nenge enyolululo lyayo nokulitha kOmwila
liki gwOshinyanyangidho, Oniipa, Oshako 2013, Tel. 41, Ondangwa 9270.
Omaindilo ngaka otaga tegelelwa ga kale ga thika manga eti 16 Januari
1975 inaali pita.

I SAW YOUR HOME, SON PEDRO

In a Churchyard,
In the green heavenly nature,
White - washed and sandy-grey
Withers your decompsable body
Your knees disconnected,
Your chest outstretched.
It is your home, Son Pedro.

I hear your bones calling
for new siners.
I see your head waving for new
life,
I know your body has exiled
your soul.
Your spirit is lonely
Crossing the river,
But eternal life is bright and
full of joy,
The eternity of promised delight
is waiting for you, Son Pedro.

I beg you, Lord,
To come by him
(Nestor Shanghala)

ONDJALULAMASIKU

1975

Oyi li mOsihola yOmambo, Oniipa. O-
mbwanawa, ya nyanyangidhwa nawa. Ota-
yi ga 30.

OMUKWETU

Oye ostifo shOngeleki onkwaevangeli pa-
Lutheri yomOwambokavango. Ohashi nya-
nyangidhwa mOniipa. Omukuluntu gwoshifo
omumbisofi dr. Leonard Auala, Amushanga
Rev. Sebulon Ekanjo.
Ondando yoshifo komunvo muSuidwes nomu-
Afrika alihe R 1,00 kombanda yomafuta
R 2,00.
Oondando nomambesitelo naga tuminwe ko-
mukwetu, Oniipa, P/B. 2013, Ondangwa.
Omatseyitha ogehe gomuntu mwene ohaga
futilwa kumwene

Owambokavango Church Press
Private Bag 2013, Ondangwa, 9270, SWA

